



Komunikadu Imprensa

Periodu : Marsu 2012

Edisaun : Marsu 2012

JSMP realiza treinamentu ba Lidér Komunitária iha Suco Pairara Distritu Lautém

Iha loron 29 Feveireiru 2012, *Judicial System Monitoring Programme* (JSMP) liu husi nia Unidade Suporta Legál ka *Victim Support Service* (VSS) fasilita treinamentu iha Suco Pairara, Sub-distritu Lautém, Distritu Lautém. Treinamentu ne'e hanesan mós ho treinamentu sira seluk ne'ebé VSS hala'o tiha ona iha tinan 2011 nia laran. Tanbá ne'e, materia treinamentu sei kontinua foka ba asuntu sira relasiona ho "Kódigu Pénal no Kódigu Prosesu Pénal husi Perspektiva Vítima Violénsia Bázeia ba Jéneru, kombinasaun provizaun penál iha Kódigu Penál no Lei Kontra Violénsia Doméstika, nomós subliña prinsipiu fundamental sira ne'ebé kontempla iha Konstituisaun RDTL, liu-liu prinsipiu sira ne'ebé ligadu ho garante no asegura igualdade jéneru no asesu ba justisa.

Partisipante sira iha treinamentu ne'e asume kargu nu'udár xefe aldeia, lia na'in, representante juventude feto no mane, inklui mós comunidade balun. Sira hamutuk ema nain 35 ne'ebé kompostu husi feto na'in sanulu resin tolu (13) no mane na'in rua nulu resin rua (22).

Diretór JSMP Luis de Oliveira Sampaio, haktuir katak, *treinamentu ne'ebé JSMP hala'o ba lider komunitária ho objetivu atu kontinua hasa'e no hametin diak liu tan lider komunitariu sira nia koñesimentu konabá prosesu legál ba kazu violénsia bázeia ba jéneru tuir dalan sistema justisa formál iha Timór Léste. Aliende treinamentu ne'e atu enkoraza lider komunitária sira hodi halo prevensaun no tulun ba vítima feto no labarik sira wainhira akontese kazu sira ho natureza violénsia doméstika nian.*

JSMP hanoin katak importante atu hasae koñesimentu lider komunitária sira atu kumpriende ho diak sira nia obrigasaun atu kumpri ka halo tuir sira nia knaar ne'ebé mak hatuur ona iha artigu 10 (3) Lei Kontra Violénsia Doméstiak no Lei Nú. 3/2009 konabá Lideransa Komunitaria, liu-liu provisaun sira konabá knaar hodi halo prevensaun, no fornese apoiu urgente ba vítima violénsia doméstika sira antes to'ó ba faze inkéritu judisiál.

Iha oportunidade ne'e Lia Nain husi Suco Pairara hakuir katak *“durante ne'e kazu violéncia doméstika iha suco refere dalabarak rezolve tuir familia deit no la lori ba sistema formál, tanbá sira rasik la hatene konbá sistema justisa formál. Maibé wanhira sira tuir tiha treinamentu ne'e, sira iha ona kuinesementu naton atu banati tuir lalaok lei formál nian.*

Iha parte seluk Konsellu Suco hato'o sira nia rekomendasaun ba JSMP- VSS atu nafatin kontinua hala'o treinamentu ba lideransa komunitaria, inklui komidade, husi suco refere tanbá informasaun ne'ebé mak sira hetan husi treinamentu ne'e interesante tebés, maibé tempu mak limitadu atu akapta matéria treinamentu hotu.

Tuir JSMP-VSS nia observaun haree katak partisipante sira ho vontade hakarak atu hatene duni prosesu sistema justisa formál ba kazu violéncia bázeia ba jéneru, liu husi sira nia entusiastiku atu husu pergunta no diskusaun entre partisipante no fasilitador sira. Aliende ida ne'e, kuiñesimentu lideransa komunitara no komidade en jerál ba lei formál sei mínimu liu atu prosesu kazu ba sistema jústisa formál.

Programa treinamentu ne'e realiza hetan suporta finanseiru husi USAID liu husi The Asia Foundation.

Atu hetan informasaun kle'an liu tan favor kontaktu direitamente:

Luis de Oliveira Sampaio

Diretór Ezekutivu JSMP

Email, luis@jsmp.minihub.org

Telefone: 3323883/7295795